

江西詩徵

江西詩徵卷九十四

南城曾煥賓谷編輯

歌謠

李朝

朝字伯丞南昌人漢桓帝時爲魏郡監黎陽營謁
者和平元年立張公神道碑於黎陽朝作歌九章
頌之

歌

綦水湯湯揚清波東流九折注於河滌蕩塵滓趨朝歌縣
以潔淨無穢瑕公與守相駕蜚魚往來悠悠遠嬉娛此
兆民寧厥居

出自綦陽遡河津松柏鬱茂蘭茝芬靈神往來乘浮雲種
德收福惠斯民家饒戶富無賤貧疆界寂靜和睦鄰

朝歌蕩陰及黎陽三女所居各殊方三門鼎列推其鄉時
攜甥幼歸候公夫人肅穆多容光烝肴膾鯉饗玉觴穆風
屑兮起壇旁樂吏民兮永未央

鹿呦呦兮馴廟庭文皦皦兮以和鳴飲清泉兮食豐草見
起伏兮不駭驚惟公德兮之所寧上陵廟兮助三牲天時
和兮甘露零日番番兮無虧傾

鳳凰飛兮朱鳥棲梧桐榮兮鳴喈喈鸛鵲集兮乳徘徊給
御卵兮獻於西惟公德兮之所懷

池水激兮釣臺粲四角樓兮臨深澗魚岌岌兮踴躍見振

鱗尾兮游肝肝時釣取兮給享獻惟公德兮之所衍
栗蕭草兮藜鋪陳新美萌兮香苾芬蕙草生兮滿園田競
茗茗兮給萬錢惟公德兮之所蕃

門堂鬱兮文耀光公神赫兮坐東方明暴視兮儼叩叩夫
人三女列在旁陳君處北兮從官降車騎絡繹兮交錯重
乘輶輶兮駕蜚龍騶白鹿兮從仙僮遊北岳兮與天通
元碑旣立雙闕建兮峇巖聳峻大路畔兮亭長閤人永扞
難兮列種槐梓方茂爛兮天下遠近罔不見兮公神日著
聲洞漏兮作配乾坤傳億萬兮

建昌歌

何易于會昌中攝建昌令有惠政民歌之

歌

我育父何易于昔無儲今有餘

袁州歌

宋至道三年王懿守袁州州人頻困於火懿曰郡之火無水備耳命衆分治舊渠與李渠接民歌之

歌

李渠塞王君開四城惠利絕火災

南豐歌

通州洪堅洪武中爲南豐典史

一作南豐知縣海陽戴瑀政平

訟理民懷其德作歌

歌

山市晴山鳥鳴商旅行農夫耕老瓦盆中冽酒盈呼鄰聚
笑不聞聲

南豐歌

建德陳勉景泰中爲南豐知縣百廢具舉民歌之

歌

大尹陳政事新男耕女織歌陽春

饒州歌

陶安知饒州當入覲民爲之歌云云旣而復命守
州事載歌云云

歌

千里榛蕪侯來之初萬姓耕闢侯去之日

江西詩徵

卷九十四

歌謠

湖水悠悠侯澤之流湖水有塞我思侯德

江西謠

宏治中吳江王哲巡按江西有威名民爲謠云云

謠

江西有一哲六月飛霜雪天下有十哲太平無休歇

賈推官謠

嶧縣賈訪宏治中爲建昌推官大瑞至廷辱郡守
以下官訪獨與抗禮民爲之謠

謠

知府一堆泥同知一山土若非賈推官壞了建昌府

建昌民謠

晉江吳夢相爲建昌府推官遷南京大理寺評事
時人爲之謠

謠

吳公吳公行李皆空公道服人私情不通

安仁謠

南海先光正德中知安仁縣能辨疑獄百姓爲之

謠

謠

民無冤訟有洗燈籠訟無滯屈有洗三日

南豐老人謠

楊士奇字伯儒山東魚臺人家素封而好行其德

於書無所不窺然不屑章句一以倫紀爲本初官
鉛山令調南豐務爲寬簡愛民禮士每歲自其家
輦金給官舍用以其餘興作以利民期年之間政
敷人和以母思歸急遂乞養去豐民扶老攜幼酌
酒送之有老人倚杖而謠云云

謠

前有趙

名騰

褚

名侯

後有吳

名秉

張

名景

慈母嚴父無有

短長我老八十乃見魚臺楊父復有父母復有母猶嗟窮
乎君樂而我苦

廣昌童謠

天唯在廣昌縣東南江流之中紹聖甲戌一夕雷

甬大作聞有沙磧之聲且目視之屹然一山高丈
餘童謠云云暨立廣昌恰四十五年

童謠

天雷飛石頭一夜成汀洲五十年內興公侯

廣昌童謠

廣昌邑如牌形童謠云云今何氏住牌頭出顯官
揭氏住牌中饒於財張睢陽廟在牌尾禱多應

童謠

住牌頭出公侯住牌心斗量金住牌尾神靈異

新城童謠

鄧徵君潛谷居新城南津與校武場相望未生時

有童謠云云嘉靖七年有青蓮自水中漂至南津
次年而徵君生萬歷癸巳六月大水復有青蓮漂
植所居望益門前八月而徵書至行至中途以病
辭歸遂卒卒之前十日南津所浣白布不風自飛
一懸聖廟之鴟吻一懸校場之竿頭非偶然也後
五十二年九月六日黃元公殉節金陵是日新城
大風晝晦黃霧蔽天亦有白布懸於文廟之闕云

童謠

水内生青蓮黎川出大賢

華林山謠

瑞州華林山左近有三寶嶺山勢危峻正德初官

兵屯此以討華林先是有謠云

謠

若要華林敗三寶去立寨

華林謠

江西華林洞賊反檄田州土官岑猛征之猛兵沿途剽掠民皆徙村避之爲之謠云云

謠

華林賊來亦得土兵來死不測

天井湖謠

天井湖在南城西南高山上水色藍碧里人以是

小晴雨有謠云云

謠

湖水淺今年旱水滿湖禾不枯

孟家灣謠

武寧雙嶠山溪水南流又西折與修水合溪東南
曰孟家灣地勢窪下或山水驟漲往往橫流入灣
民謠云云蓋本形家水破異方之說縣尹令鄉民
周植楓杞以爲捍蔽

謠

水走孟家灣黎民逃上山

腰帶水謠

武寧縣南有腰帶水源出神童山爲縣脈西界水

從西門入江屢經衝決順治間知縣任天祚改入
縣治流至東水關入修江有謠云云

謠

水繞縣前流官清百姓柔

采茶歌

江西婦女春日采茶編歌詞聯臂唱和諸郡間有
異同

撫州采茶歌

上山采茶茶發芽姊妹雙雙去采茶姊采多來妹采少不
論多少早還家

門前采茶茶葉黃多栽楊柳少栽桑多栽桑樹無人采手

江西詩徵

卷九十四

謠語

七

攀楊柳子乘涼

廣信采茶歌

春日采茶春日長
白白茶花滿路旁
大姊還家報二姊頭
茶不比晚茶香

秋來采茶漸漸涼
家家裁剪做衣裳
別家做起郎穿著我
家做起入空箱

武寧采茶歌

南山頂上一株茶
陽鳥未啼先發芽
今年姊妹雙雙采
明年姊妹適誰家

諺語

田家歲時雜占諺

江西諸郡氣候大約相同歲時占驗傳爲諺語者
率亦無異

田家諺

若問六種熟但看正月三個六

正月雷鳴二月雪三月禾秧生老節

四月八日晴魚兒上高坪

立夏不下高田放罷小滿不滿芒種不管

芒種火燒天大水十八番

夏至五月頭一邊喫一邊愁夏至五月中白飯滿童童夏至五月尾禾黃米價起

六月秋要到秋七月秋不到秋

南風吹過北有錢糴不得北風吹過南倉下無人擔
十月雨連連高山也是田

歲時雜諺

三月三脫落寒衣穿汗衫

夏雨隔堵牆

過了夏至節夫妻各自歇

六月六紅酒炒雞肉

六月六晒得雞蛋熟

過了七月半人似鐵羅漢

雲掩中秋月雨打上元燈

春甲子雨赤地千里夏甲子雨撐船入市秋甲子雨禾頭

生耳冬甲子雨牛羊凍死

雲走東雨空空雲走西騎馬出蓑衣雲走南雨潭潭雲走北雨難得

未雨先雷到夜不來未雨先風來也不凶

江西四郡諺

唐時江右有諺云云言好訟也

諺

筠袁贛吉腦後插筆

清江諺

清江西鄉沙田時旱時澇有諺云云

諺

五夜月明常叫旱一聲雷響便撐船

廬陵諺

廬陵人言事之難遇不復可覓者有里諺云云

諺

若要事成全果老撐鐵船

上高諺

上高裏陂受蒙末二水之流其勢衝激難成易壞
陰田可四十五頃蓋利之最溥者有諺云云

諺

若要上高米價平除是作得裏陂成

廣信造紙諺

廣信諸邑多產紙造作之工甚繁瑣有諺云云

諺

片紙非容易措手七十二

萬安上灘諺

萬安以上至南安有十八灘陡險難行有諺云云

諺

一灘高一丈南安在天上

蘆洲諺

臨江蘆洲地當孔道春夏間水泛則洲宛在水中
對岸爲善嘉洲沿洲而轉人不病涉有諺云云

諺

蘆洲對善洲江水兩分流

春洞諺

瑞州碧落山有洞每遇立春陽氣吹灰出外人以
鵝鴨羽試之輒軒舞而出諺云

諺

袁州更鼓瑞州春

松湖諺

南城松湖一名上湖湖漭際聚居二百餘家有諺
云云

諺

湖永繞村曲里中科第續

袁州語

彭伉湛賁俱袁州人伉妻湛姨也伉舉進士及第
湛猶爲縣吏妻族爲伉置賀宴飯湛於後閣妻忿
然責之湛感而勤學數年登第伉方遊郊外聞報
失聲墜驢袁人爲之語云云

語

湛賁及第彭伉落驢

施肩吾嘲崔嘏語

肩吾與嘏元和十五年同第嘏舊失一目以珠代
之施嘲之云云

語

二十九人及第五十七眼看花

蕭結判語

結廬陵人五代時爲祁陽令時方暮春州符下取
競渡船刺史將臨觀結怒批其符云云守乃止

判語

秋閑五葉蠶長三眠人皆忙迫划甚閑船

豐城人嘲毛炳彭會語

豐城毛炳好學不能白給入廬山與諸生曲講獲
鏹卽以市酒盡醉而止時彭會好茶而炳好酒里
人爲之語云云

彭生作賦茶三片毛氏傳詩酒半斤

劉原父嘲口吃語

時有口吃者原父嘲之得四語云云謂周昌韓非
楊雄鄧艾皆病吃亦善謔也

語

本是昌家又爲非類但有雄聲惟聞艾氣

王平甫對語

陳繹晚爲敦樸狀時謂之熱熟顏回熙寧中孔文
仲對策言時事執政惡而斥之繹語于衆曰文仲
狂躁真杜園賈誼也王平甫舉以作對合坐大噱
杜園熱熟皆當時鄙語

語

杜園賈誼熱熱顏回

萬載語

萬載翟昌甫家貧樂道喜讀書每春夏移書於佛
塔秋冬則樓居時人爲之語云云後以人才辟舉
爲郎

語

春夏塔秋冬樓風吹四面搖衆人爲之憂昌甫獨無愁

浮梁語

浮梁人吳十九善製磁器士大夫多與之游時人
語云云

語

成憲太薄永憲厚天下馳名吳十九

九江語

萬衣爲南京刑部主事頻夢其父心動急請歸抵家九日父沒里人爲之語云云

語

萬孝子生知死

饒州語

范文正公守饒日有書生甚貧時盛行歐陽率更書薦福寺碑墨本值千錢公爲打千本使售京師紙墨已具一夕雷擊碎其碑時爲之語云云

語

有客打碑來薦福無人騎鶴上揚州

簫峰里語

簫峰有亭祠蕭史弄玉峰爲西山最高處此峰雲則衆山雨矣里人爲之語云

語

簫仙戴笠鳳凰翅濕簫仙著衣烏雀淋漓

廬山語

廬山簡寂觀乃陸修靜之居也觀出苦筍而味反甜歸宗寺造鹹齏而味反淡山中人語云云

語

簡寂觀前甜苦筍歸宗寺裏淡鹹齏

洪邁對孝宗語

宋孝宗問洪容齋饒州產何物洪對云云

語

沙地馬蹄鼈雪天牛尾狸

周必大對孝宗語

孝宗問周益公吉州產何物周對云云

語

金柑玉版筍銀杏水精葱

識記

孫咸詩識

咸不知何許人善詩豫知休咎南唐末至廬山題

詩九天使者廟云云不數年金陵板蕩九江重關
人民塗炭竟應詩識後歿於南昌棄屍江中泝流
而上人乃異之知爲尸解

題九天使者廟

獨入元宮禮至真焚香不爲賤貧身秦淮兩岸沙堆骨溢
浦千家血染塵廬阜雲烟誰是主虎溪風月屬何人九江
太守勤王事爲放天兵渡此津

江州風墜詩識

南唐胡則守江州宋師攻之不下忽有旋風吹片
紙墜城中云云後城陷果屠戮殆盡

詩

由來秉節世無雙
獨守孤城死不降
何似知機早回首
免教流血滿長江

鳴山祠題壁詩識

紹興二年有士人謁貴溪鳴山祠下題詩於壁書
畢飄然而去旁觀者視其書跡不類世人也明年
完顏亮寇臨安被殺詩語卒驗

題壁詩

自擊牛昌隱威風震海寰
待吾謀用日請共掃完顏
鍾炤之窗外詩識

炤之字彥昭樂平人長於詞賦紹興中夜讀忽聞
窗外哦句云云是年秋試題膏澤爲豐年押豐字

遂用此兩句考官稱歎置高第

句

霖作商巖雨薰來舜殿風

臨江古石刻識

臨江郡庠唐盧肇讀書故基也嘉靖甲子分守陳大賓拓而新之掘地得石刻云云後陳改蕭姓惟壬甲子及八十之說終不知所謂

石刻

甲子重逢壬甲子八十蕭公下脈真

銅華城文識

熙寧間鄧鴻甫之官成都途中生女名曰路姑長

嫁劉廙生四子卒葬銅鑪開壙得石刻云云後廙
長子堯臣紹興進士次大聲以子希旦贈大中
大夫三詢以子璣贈承事郎四子安世貴州助教

壙文

路姑路姑生在路途死葬銅鑪四子金魚

永新劍上詩識

咸淳末永新隱士陳森翁築貞隱齋於冷泉巖掘
地得劍有詩末二語云云下書大元二字莫詳所
謂元世祖興乃悟其識

句

男兒慷慨生平事時獨挑燈把劍看

盧絳夢識

盧絳字晉卿宜春人讀書略通大義喜論當世利
病舉進士不中往來金陵丹陽間嘗病店且死夢
白衣婦人歌詩勸酒並教以食蔗詰朝求蔗食之
病愈數夕又夢前婦人曰妾乃玉真也他日富貴
相見於孟家陂既寤不解其語後入金陵詣後主
上書以功拜絳太師已而降宋爲警家所攻斬西
市臨刑有白衣婦人同斬姿貌如所夢問其受刑
之地卽孟家陂也婦人姓耿名玉真按事見馬令南唐書婦人
所歌乃菩薩蠻詞孟家陂作固子陂南唐近事載
婦人乃姓灌江南野史所載則無詞而有詩茲據
入

夢中詩

清風良月夜深時
箕帚盧郎恨尙遲
他日孟家陂上約
再來相見是佳期

謝小娥夢識

洪州謝小娥同其夫隨父行賈爲盜所殺求盜不
得夢父及夫告以諺語十二字解之者曰車中猴
禾中走並申字門東草爲蘭一日夫爲春盜乃申
蘭申春也娥依言詭爲男子求得二人江上傭其
家乘間殺蘭并擒春告官抵法還洪州爲尼

夢中語

車中猴門東草禾中走一日夫

后土祠神人夢識

鄒極字適中號一翁宜黃人未第時禱夢后土祠
夢一神人吟詩云云其後皆驗初聯則解試賦題
及禮闈題次聯則諒闇榜名在溫姓黃姓之間三
聯則持節本路丁艱末聯則夫婦皆以六十五歲
而終也極登治平四年進士歷官度支員外郎與
執政議論不合請外補除江西提刑丁外艱丐祠
得洪州玉隆觀久之卒

吟

天道本無成明從公下生溫黃前後並黑暗裏頭行大士
止各哀號三兩聲兩個六十五祇此是前程

費太僕夢識

費太僕於嘉靖辛酉五月十三日夢詩二句首句
下三字失記是秋領批進場時例在按院前識認
同試者八月十一夜點名忽聞段按院誦自作中
秋詩云云卽前夢中二句首句下三字仍聽不見
旣而得雋以問段公公大駭因誦其詩下三字乃
秋寂寞也

句

萬里河山秋寂寞八窗簫漢夜玲瓏

鳴山夢識

貴溪鳴山之夢最靈顯正德間郡守某至山夢有

對語云云及秋闈報捷止八人已兩福建四川報
至各一人數與夢協

對句

棘院九秋三試榜鄰溪一邑十人登

汪侏夢識

都憲汪侏爲叅政時分守蒼梧先是有盜三人越
獄部檄督責甚急是夕夢有告者云云覺而解曰
得非報我以盜歟夫三千之徒乃孔門也十八而
易其爲楊姓明矣密遣捕者於某書院側緝得楊
姓并獲其黨數人

夢句

地近三千終可到人依十八易能尋

上藍和尚識語

洪州上藍院和尚失其名唐末人精於術數

晉漢二代識

石榴晉漢二代姓也重言之明享祚俱不過二世也

石榴花發石榴開

遺鍾傳偈

和尚甚爲鍾傳敬禮疾篤索筆作偈以授傳明年春洪州爲淮南楊氏所有

但看來年二三月柳條堪作打鐘槌

報王審知識

審知齊供豫章問國休咎和尚以十字回報審知歎曰腹者福也得非福州之

患不在楊行密在錢氏乎至延熾之亂江南來伐兩浙乘之敗江南兵福州果爲錢氏有

不怕羊入屋只怕錢入腹

張中歌

中字景華好戴鐵冠號鐵冠道人臨川人初以春秋應舉不第遇異人授以太極數學談禍福奇中明太祖下豫章鄧愈薦之事皆預知居都下數年一旦自投大中橋水死已而潼關守吏奏鐵冠策杖出關則其投水日也建文時復歌於金陵云云遂有靖難之事後不知所終

歌

莫逐燕逐燕自高飛高飛上帝畿

汪道一語

道一上清人萬歷三十七年五月忽赤腳道袍手持簪擊磔循街而呼云云人以爲顛或詢之則曰

水王氏予去此二百四十餘年矣越四日水暴至
惟登山者得免

擊磔語

快打疊琵琶山上好安歇

白芒洲鬼語

正德辛巳有鬼號於廣信白芒洲云云江汝壁中

二甲第一

鬼語

屈屈屈狀元江汝壁

西山讖

南昌西山緱嶺之東悟禪院側有深巖禱雨輒應

相傳許旌陽有識云云

識

老龍寄在蟾塢內畱與江西救旱災

修水記

修水在分寧縣北經武寧海昏入蠡湖世傳郭璞
記云云言可避亂也

記

有魚名儵有水名修天下大亂此地無憂

崩洪芙蓉謠語

辛稼軒寓信州卜地建居形家以崩洪芙蓉洲示
曰二地皆吉但崩洪發甚速不及芙蓉洲悠久耳幸

取崩洪形者爲識語云云其言卒驗

識

貪了崩洪失却芙蓉五百年後只見芙蓉不見崩洪

江西識

江西有謠云云信州張真人家山頭向上子孫相
繼膺封錫霽都張氏其山頂向下故世出一人與
冥相通

識

金鵝頭向天代代出神仙金鵝頭向水代代出人鬼

撫州識

臨汝東西兩阜相望一曰金石臺一曰玉石臺文

昌堰在汝水之滸舊圖經云上值文昌星故名有
識云云

識

金玉臺高丞相出文昌堰合狀元生

泰和識

定光宋時同安人幼出家後至廬陵叅西峰豁禪
師過泰和懷仁渡時水暴漲人曰高漚潭有蜃出
爲民害師投偈潭中水退洲起今龍洲是也復留
二識云云

識

龍洲過縣前泰和出狀元龍洲按金魚泰和出相儒龍洲

接甌窺泰和佐皇帝

龍洲過縣狀元出魚貝添兒宰相生雁塔錄飛遭火劫高
漚鐘響出公卿

鯉湖識

鯉湖在南城東一名鱗湖不通溪河有識云云宋
淳祐中明正統中兩爲黎水衝開張洲微張昇應
之

識

鯉湖衝破狀元生

南臺識

南豐南臺潭在南臺山下有識云云

識

南臺沙上南豐出相

方石識

方石在南豐東隔江與老龍洲相對有識云云

識

沙到方石前南豐出狀元

市溪古識

瑞州之市溪一名市河錦江水自靖安門流入城中復會入江有古諺云云輒驗

古識

錦水入市河朱紫滿郡多錦水市河通筠州出三公錦水

市河連筠州出狀元

樟樹鎮識

清江樟樹鎮江中綿亘數里對岸爲花灘洲水長
時則不見識云云

識

花灘洲上生青草樟鎮出閣老

玉山識

玉山迤西隔臨溪有杏花村相近有蔡家園今皆
廢爲桑地夾塏水不能侵有識云云

識

水浸蔡家園玉山出狀元

玉池坊識

大庾玉池坊最高安治庚申大水坊亦爲所浸有
識云云明年郡人劉節領鄉薦第一

識

水浸玉池蓮南安出解元

散句

任 濤

濤高安人性慧超羣詩名早著爲咸通十哲之一
其家適當執役時常侍李臨廉問江西聞其佳句
特與免役鄉民訟之臨判云江西界內凡有詩得
似濤者卽與免役無敢應者咸通中舉進士不第

句

露團沙鶴起人臥釣船流

胡元龜

元龜廬陵人官臨川令有永新令請題屏畫戲珠
龍令好受饋遺元龜寫意識之令悟追捕遂亡入

金陵

句

翻身騰白浪探爪擢明珠

史虛白

虛白字畏名山東人與韓熙載同投南唐署郡從
事不受隱廬山以終

詠漁父句

風雨揭却屋全家醉不知

夏寶松

寶松廬陵人

宿江城句

曉來羸駟依前去目斷遙山數點青

句

雁飛南浦砧初斷月滿西樓酒半醒

孤猿叫落中巖月野客吟殘半夜鐙

毛炳

炳豐城人

題齋壁句

先生不在此千載只空山

陳甫

甫字惟岳吉州人南唐時有詩名

漳江感懷句

一雨洗殘暑萬家生早涼

村居句

暮鳥歸巢急寒牛下隴遲

贈黃巖句

清時不作登龍客綠鬢閑梳傍草堂

句

算吟千百首方得兩三聯

何蒙

蒙字叔昭洪州人南唐進士入宋後曾隨太祖北
征師還御製有鑿興臨塞朔野凍雲飛之句令
蒙進鑿興臨塞賦凍雲飛詩召對嘉賞授贊善後
出守袁州

句

塞日穿痕斷邊雲透影飛
縹緲隨黃屋陰沈護御衣

孟歸唐

歸唐南唐水部郎賓子子連州人居吉州人江南

後所生故名歸唐廢秘書正字歸宋遷大理丞以
罪貶袁州司戶少能詩曾就廬山國學得瀑布句
盛稱於時

句

練色有窮處寒聲無盡時

羅穎

穎南昌人涉獵經傳以詞賦稱開寶中舉進士例
以黃衣守選及後主降宋穎再應鄉舉下第經漢
高祖廟題詩其落句云云少頃輒自免冠鞠伏廟
廷口陳自咎之言掖而去數日卒

句

項羽英雄猶不懼可憐容得辟陽侯

許載

載字登興萍鄉人端拱二年進士官都官員外郎
試後有寄親友詩

句

只把文章謁帝居便從平地躡空虛

朱景晦

景晦字仲舒萍鄉人景祐元年進士仕至職方郎
中治平間曾宰宜春萍鄉二邑爲政寬猛不同自
作詩榜之道路云云

句

東鄰老幼足和氣西邑生靈俱病顏

張介

介字吉甫番陽人父久客蜀中不歸幼與彭器資
同學作詩云云旣長走蜀父初無還意往迂者三
乃歸一時里中士人賦詩以紀其事

句

應是子規啼不到至今我父未還家

羅尙友

尙友字明善萍鄉人少負英氣嘗謁閣門使蕭注
令賦詩應口而出登治平四年進士任武昌節度
推官時中丞李常目爲席上才子

人間酒客兼詩客
天上文星與將星

李元亮

元亮字光祿建昌人常族子大觀中以箋啓爲蔡
蕤所賞登貢士科

句

人閒知盡永花落見春深

朝雨未休還暮雨臘寒纔過又春寒

江曄

曄字彥明永新人好作詩事母以孝聞大觀中吉
安守以八行薦不報自號轅陽居士

句

國草事空猶昨日惜花心在又明年

陳國材

國材廬陵人自幼卽有詩名周益公楊誠齋俱稱之

句

紅日晚天三四雁碧波春水一雙鷗

王度

度字武臣新吳人張紫微謝良齋極稱賞之

句

雲生坐來石風掩讀殘書

危紅賒晚景漲綠上平沙

鴉分供餘食
鵠亂著殘棊
樵斧和雲斫
漁蓑帶雪披

張潞

潞永新人牧昭州能詩師誠齋石湖有張昭州集

巖瀨句

策勲蓑笠上自是一雲臺

答二禽句

憂兄行不得勸客不如歸

秋雨句

獨木乘危涉勞薪帶溼炊

紫牡丹句

紫垂戶外朝天近綠墜樓前到地香

曾 槃

槃贛人幾孫逢子官工部

題武夷山句

還持病眼將昏力來看仙山未了青

彭淵村

淵村筠州人釋惠洪覺範之叔

詠海棠句

雨過溫泉浴妃子露濃湯餅試何郎

管師復

師復龍泉人從胡安定學隱居不仕人稱臥雲先

生

句

滿塢白雲畊不破一潭明月釣無痕

劉旦

旦新喻人敝孫奉世子傅康伯嘗薦之後過傅墓
賦詩人多傳誦

句

膺門昔忝登龍客董墓今悲下馬人

羅之紀

之紀字國張高安人嘉定時官孝感尉攝邑雲南
上官不爲禮賦雪壓竹詩云云遂棄官歸

句

吾道非耶真可恥此君豈是折腰人

歐 良

良南城人官司戶劉後村序其詩

雜興句

壁固君所寄鏡亦妾所惜乍可返君璧妾鏡不可得

秋興句

紅黃冬樹葉紫翠夕陽山

薛 漑

漑字書倉南康人爲南海書記職滿入廬山築室

曰薛處士山堂後起諫議大夫未幾復乞歸有題

壁詩

句

重來閒院靜喜對故山青

葉宋英

宋英臨川人

贈行句

柳香何處春風店酒醒月明聞杜鵑

周伯仁

伯仁字及之南昌人

春雪句

照天不夜梨花月落地無聲柳絮風

黃 濬

濬昭武人

題鄭介夫祠句

橘影不隨流水去漁歌偏帶夕陽來

常年不作南行客他日應無北狩人

吳夢陽

夢陽高安人

題羊山句

羊山一名石灰嶺產
燃石以水沃之卽燃

氣蒸不待薪水活可烹鼎

梁 饒

饒德興人精堪輿術一日過樂平大汾潭遇雪時

歲暮渡者李翁止宿酒酣高吟云云翁乃懇求吉
地饒卽指示穴處且曰貴從武功來禍後福始應
葬數年李以罪戍定遠生黔寧王英明太祖育之
軍中賜以國姓復賜姓沐追封其三代皆爲王饒
術大驗

句

世上何人能識我今日時師後代仙

呂夔

夔字祖邦廣信人宏治間以工部主事分司江淮
活饑民甚衆遷杭州太守爲人潔修而文雅好吟
咏

初至杭州句

近村官舍清於水更喜官清水不如

吳琚

琚字時用號止菴宏治間人居南城少受學洪士
德志向趨古終日簡默不言人短有詩名有司
先達咸造其廬

句

若教風遞書聲去恐惹人將物色來

李景暘

景暘號東白江西人徙家京山詩多警句後遊襄
陽襄王愛其才厚加接遇泛舟東歸至漢江中流

作詩二句云云吟未畢墮水死

句

好水好山行路遠秋風秋雨到家遲

吳皆盡

皆盡新淦人以勤學成疾早卒妻魯氏聰慧能詩
盡臨終作詩囑魯魯囊詩佩之以節終兩臺上其
事旌表之

臨終囑妻句

蛾眉不許他人畫鸞鏡休同舊日妝

郭汝宣

汝宣字贊明萬載人多隱德有佃逋租旣死汝宣

夢側入牛垣覺而笑曰某莊必孕牛令勿舉已而
報至汝宣取租券焚於牛垣曰活汝他去牛旋殞

句

願畱餘巧還天地多積陰功與子孫

凌雲奇

雲奇字印可號酒民彭澤人不屑毛錐嘗馬上橫
槩有乘風破浪之志豪於詩酒晚精醫爲人治疾
不受謝取醉而已

句

藏身金穴雖男子埋骨糟邱亦丈夫

羅穆

穆武寧人工詩授徒夏莊作九子吟悲惋欲絕遂
得病筭與昇歸病月餘復起往夏莊與九子暢談
古學大白三浮曰吾不復來矣遂歸是夕竟卒卒
時口占句云云

句

學不到神仙何處容吾足

李少蓮

少蓮南豐人

句

一砧一杵黃昏月千里千山白露秋

雙扉開皓月一夜坐青山

吳成

成字九成廬陵人明諸生旋棄去高簡俊潔不與
時輩相逐家貧居廢菴中同邑周主事爲置別宅
及服食器用竟不受常面折周而周益禮之恭已
而菴燬更縛茅以居題云云守令高其風致躬造
其廬歎息而去著有平園雜咏

句

植木畱春住編茅待雨過

姚聯

廣信玉虹橋落成凡七洞太守陳屬姚聯洞各顏
以二字聯咄嗟爲額玉虹帶霞環彩波鑑文微簇

香錦溪十四字每洞二字顛倒迴環讀之皆成文
太守驚服

迴文句

玉帶環波文簇錦虹霞彩鑑徹香溪
錦簇文波環帶玉溪香徹鑑彩霞虹
波環帶玉溪香徹鑑彩霞虹錦簇文
彩文簇錦虹霞鑑徹香溪玉帶環波
文簇錦溪香徹鑑彩霞虹玉帶波環
帶玉虹霞彩鑑徹香溪錦簇環文波

王氏

王氏平甫女劉天保妻

句

不緣燕子穿簾幙春去秋來那得知

蔣氏

蔣氏侍講胡經妻賢而能詩

詠美人染指甲句

彈箏亂落桃花片舉盞輕浮瑤瑁斑拂鏡火星流夜月畫
眉紅雨過春山

易妹貞

妹貞高安人高州知府輓孫濱女年十一聘同邑
楊環未婚而顰卒前數夕女夢顰送一盒至啟視
之有花數朵皆已脫落餅數枚皆半邊心知不祥

及訃至痛絕墜樓傷足遂不事妝飾請於父母願
歸楊守節并以意達其姑福安縣主至再三姑乃
遣迎之女衣麻徒步登舟旣至卽鑲神主前行合
禭禮禮畢謁舅姑自爲文祭環越數日縊於柩前
年甫十八衣篋中有哭夫詩四首夢夫詩一首有
司聞於朝賜祭建坊旌表之

寄姑福安縣主句

單車難兩轡一女豈雙郎

夢夫句

夢魂無縱影寒燈一點紅

李 閣

閻字貞姑餘干人大司馬頤四世女孫十齡時明
故淮王涌玉聘爲世子由桂妃未婚值國變世子
出亡貞姑依母守志以女紅自給母與兩弟相繼
歿或諷以他適姑正色曰非人類事奈何汙吾身
因泣下嘗避兵山中以匕首自隨曰與我共生死
者此耳性尤孝一日祭其父神注自動其誠感如
此年六十四卒

咏金環句

紅爐經百煉不改本來貞

蘇蓉娘

蓉娘鈇山車盤鎮女子幼聰慧有姿色其父老儒

也抱置膝上令咏海棠詩應聲云云父推墮於地
曰非良女子也後果以放蕩致死

咏海棠句

有色偏多恨無香亦可憐

賀曾南洲及第句

泰和舊有識云龍洲過縣前泰和出狀元一應於
陳芳洲循再應於曾松臞鶴齡三應於曾南洲彦
南洲及第日有人賀以句云云以郡言南洲是第
十狀元以一縣言南洲是第三狀元也

句

一回虎榜魁天下三應龍洲過縣前

頌黃綰詩

正德初庶民信太守黃綰政治清簡見胥吏多暇日
時課以小學晨夕講誦綰臨行或贈以詩有句云
云

句

民當教後渾無訟吏到閒時也讀書

超慧

超慧字晦機分寧黃龍之鼻祖也聚徒行化道勝
一時凡所答問皆出元妙呂洞賓從岳陽來問一
粒粟中藏世界半升鐺內煮山川如何答曰汝只
煮得鐺裏的鐺外的煮不得洞賓去超慧曰彼必

飛劍來取老僧頭衆皆驚訝忽雙劍飛來超慧喝
之墮地

荅僧問語

坐對盤中弓落蓋百尺竿頭五兩垂

水潦和尚

水潦和尚洪州人問馬祖如何是西來意祖曰禮
拜著纔禮拜祖忽當胸蹋倒遂大悟拊掌曰也大
奇百千二萬無量妙義祇向一毛頭上識得根源
去住每告衆云云

告衆語

自從一喫馬師蹋直到如今笑不休

一字石

唐時有僧遊山壇歸過龍門橋題詩於石有自從
宴罷云云一樵者戲於自字上畫一字他日僧見
之以爲不如一字之工也悲忿而死至今一畫尙
存名一字石

句

自從宴罷歸來後寶殿瑤臺空月明

訥禪師瑞香句

廬山瑞香花古所未有亦不產他處天聖中人始
傳稱東坡諸公繼有題咏訥禪師有句云云

句

山中瑞采一朝出天下名香獨見知

德基

德基鄱陽崇福寺僧

句

水底金烏天上日眼中瞳子面前人

晉良

晉良號佛慈饒州吳氏子趙清獻命開法於越州

福果衢州超化海會靈曜四刹

句

三十年來關捩子而今流落五湖傳

一言超影象不墜古人風

德賢

德賢上猶人號棲真尊者治平間結菴了山元豐五年七月忽自圓其容於壁間作偈書訖而化

句

片雲歸洞本無心流水下山非有戀

無相

無相姓胡名妙明臨川人染家子善知識教其面壁靜坐遂有悟頓能文名公多與交象山一日講易無相在座象山問理會得否無相答云云晚年結菴常清觀之西坐化

句

三畫未分消息露六爻纔動錯商量

炳同

炳同字野翁新昌張氏子宋亡之日避跡明州仗
錫寺閉戶書法華經一時遺老家則堂文本心齋
東發舒聞風周伯弼咸與之遊

句

老來非厭客靜裏欲書經

曹溪香

曹溪香元時安仁花果寺僧有禪行

句

吳嶺當門秀曹溪遶寺清

白雲

白雲洪武中住安仁馬祖禪寺

句

齋閣北斗七星現座上南風六月涼

九峰和尚

九峰撫州人姓袁出家石鼓菴初不識字軍峰僧授以楞嚴心呪六字持誦不懈已邁疾幾殆忽甦遂作偈云云自後偈說疊疊皆成妙義年七十示寂

病起偈句

忽然會合西來意呵呵大笑兩三場

示寂偈句

幻身有病幻身當我本如如性自安

行溥

行溥字等可新建人父夢一老僧手拈黃菊笑至
其廬曰吾雲堂貫休也及重九日行溥生不飲母
乳二三歲不茹葷六七歲便能詩有蜀僧過曰子
豈西方來者耶溥卽奪其扇題之後遊方二十年
還南昌卓錫古泰定寺著有棗堂詩集

題扇句

老師問我西來意般若波羅上大人

總治

德治號堯菴上杭諸生落髮叅南康異目禪師一
見符契忽一夕神光燭室達旦衆皆駭然異日乃
授以衣鉢後住萬年正覺禪院康熙壬辰五月無
疾趺化著有雪壁堂集及語錄

上堂對衆偈

已知一滴千江合又見滹沱浪轉高

德玉

德玉號雪嵐錢塘孫氏子薙髮於鵝湖峰頂腰包
褰囊笠遍歷浙閩江楚傳燈列刹之地後謁弋陽
龜峰能禪一見契合服勤三載見燈火爆落忽覺
舉體透快疑義了然入丈室白師云云言下印可

句

禍機只因多口笑何妨醋內更加酸

楊介如

介如字固卿豐城人開禧間隱於黃冠主清江相
堂觀一日諸文士集觀中唱酬介如蓬頭垢衣朗
吟其側衆驚服後入閣皂山寶慶中卒有詩號隱

居集

句

酒量春吞海詩肩夜辮山

魏元吉

元吉建昌人通經史能詩未冠時白父母欲求長

生遂遍遊名山至南豐元貞觀全神葆真風聞達
通南唐時召至金陵宋眞宗時應詔入玉清昭應
宮焚修久之乞歸居妙靈觀年九十一謂其徒曰
吾已奉帝命召爲仙官翼日當往厥明畱頌云云
遂解化童顏如玉異香襲人著有慕眞秘要及山
居詩百篇

頌句

來去無踪跡大塊一飛塵

黃知微

知微字明道江州人元豐間居廬山太平宮號養
正先生得道佯狂人謂之黃風子一衲百結寒暑

弗易嘗攜兩囊隨所得雜投其中而不臭名錦香
又善噫氣輒經時不絕響徹雲漢素不攻詩而多
佳句死瘞宮側從蜀寄書山中開函皆喪亂後道
士姓名也

句

溪雲拂地送殘雨谷鳥向人啼落花

萬里碧雲間暮色一條銀漢在天涯

滕王閣下漁人

明末諸名士觴雪滕王閣限韻滕字屬苦押句一
漁人坐閣下作睜口呆想狀名士輕之曰若何思
曰適聞押韻思滕王蛺蝶圖耳卽朗吟二句衆驚

延上坐詢姓名不答從至雙港小艇繫樹下呼婦
出桶中魚烹之飲諸名士酒翌日卽之無踪矣

句

鴨鵝夜亂功收蔡鯢蝶春深戲試滕

臨川小吏

李建勳鎮臨川賞牡丹有小吏捧硯舉止有士人
風公曰學詩乎對曰竊親筆硯因令口占一篇公
奇之勉令就學因成詩名

句

三月不辭千日醉一生能得幾回看

包真人

真人遇異人授以至道且囑曰麻峰洞天汝得道
飛昇之地也至進賢麻姑觀遂居之自稱道者與
白玉蟾會龍井上論金丹火符真人貽以詩一夕
觀中異香襲人天樂作騰雲而去

貽白玉蟾句

待吾了却人間事然後相從面紫羅

洞仙山巖壁句

山在蓮花廳有三洞淺深不一俱曲折幽邃

一句

午夜君山玩月回清池小圃碧蓮開

新建崑仙

句

海島烏雲擁天門白雨跳

樓中仙姑

江西省城李君子巷某鹽買家乾隆十二年有妖
棲其樓自言仙姑也與人言不見形或稚子窺之見
二妖皆女妝一老而癯惡一少而嬌少者嘗爲詩
有佳句其家亦習之不爲怪歲餘乃滅

句

碧雲延曉意白雁送秋聲

餘干鬼句

餘干胡敬齋居仁嘗夜行山曲間後有鬼呼胡先

生數聲胡若不聞鬼乃吟云云忽不見

句

風急有舟人莫渡月明無伴路休行

瑞蠶詩

宣和中新喻傅侯初爲蘄春蔡氏壻登第之歲婦
家簇蠶不繭絲屋吐絲自然成段長丈餘廣數尺
厚薄若一如布邊幅然鄉人以爲祥賦詩盈軸有
一聯號爲絕出

句

園客有絲難比甕鮫人無杼自成綃

江西詩徵卷九十四

論詩雜詠

曾燠

堯民歌鑿井商士歌采薇心聲偶然發豈意工文辭陶
詩出應璩此說吾未知

陶淵明

夫君心迹清常在青蓮宇鐘聲和白雲非復世中語去

陶三百年此爲第二祖

綦母孝通

寒潭潦水淨孤月當潭心響無灘瀨急量與江湖深法

曲雖寥寥今猶聞古琴

劉昶虛

落落雲欲往矯矯鶴不羣蕭蕭氣始秋淡淡曙初分丈

夫有正色誦詩見其人

王季友

廬山雲錦張秀出南斗傍山人此朝夕吸盡明湖光奇

絕鶴聲句全篇何獨亡

楊衡

粲然啟玉齒有語皆成綺不食煙火人多情乃如此凌雲氣自高終異兒女子

施肩吾

長篇聖政紀忠愛如劉蕡羈人竟顓頊故國多煙塵楚魂吟夜月蜀魄啼餘春

來鵬

有唐三百年風雅道爲盛詩隨國運衰都官猶後勁雲臺佳句多何必鷓鴣詠

鄭谷

平生講學人迺復擅詞藻高唱嚴陵臺悲吟蕭關道此才宜有用衰世但草草

王貞白

姦雄託禪讓請誦塗山詩忠義不能伸成仙亦可悲子

嵩

宋齊

與蓮花

妓

何潤乃公爲

陳陶

不爲至寶丹便爲乞兒相公詩差免俗往往能豪宕崑

體亦復佳當出楊劉上

晏元獻

先生際盛明皇祐嘉祐中憂時意何激語氣悲秋空爛

爛巖間電烈烈松下風

李泰伯

今人知杜韓昔日無杜韓舉世所不爲公始爲其難藉

非砥柱筆何以迴狂瀾

歐陽永叔

詩法與治法公皆操苦心生平獨此事歐蘇亦知音持

律何精嚴宗門開定林

王半山

二劉皆博學原父特風雅五字多唐音不在元和下生

豈無人知死望知我者

劉原父

三孔於蘇門韓之有劉父郎中氣尤橫才不減雪車雲

龍鎖相逐嶺海何荒遐

孔平仲

海棠豈無香淵材論未允元豐稿猶在耳食故堪哂不
足常歐王庶幾敵梅尹

子固先生

青天浮海蜃赤手搏長蛇俯仰不隨人故自成一家兒
孫強學語與世徒聱𪗇

黃山谷

臨川老布衣而無寒瘦態二謝皆可惜大謝尤可愛筆
勢如眉山未是涪翁派

謝無逸

在世不稱意翻然入初地故多金石聲安得蔬筍氣請
誦歎息詩佛門第一義

饒節

國運方中興奸邪竊其柄間氣屬詩家心正筆亦正遙

傳杜陵燈親付劔南印

曾茶山

圓如珠走盤清若水鳴瀨能教老嫗知可向雞林賣近

曰名詩家隨園溯其派

楊誠齋

官家手作書親賜白團扇秋節乍涼飈棄捐不相見文

心陸贄哀詩格柳州變

汪彥章

要爲天下奇獨慮公家事蠻荒坡老身歌哭少陵淚盧

溪

王廷珪也

亦異人字挾風霜氣

胡澹庵

白石詞固妙妙能不入詩試將詩按譜真可吹參差若

溪好烟月羨爾仙人姿

姜白石

阿翁蘇武節萬里河梁什諸郎李氏才一家花萼集於

中誰擅場季也殆眉白

洪容齋

宋詩以公殿唐代未能及可知忠孝情詩教所由立例

之巡遠傳編共疊山集

文文山

墨名而儒行復作儒家語浮屠坐黨獄茲事前無古我

法所兼收彼法所不取

覺範

竹多染淚斑花是斷腸色孤鴈悲遠天寒蟲泣秋夕

乳老嫠婦落落舊逋客

劉須溪

河汾有諸老谷音盡遺民如何二溪集

兼謂須溪

皆列於元

人和靖不娶妻浪蕩江湖春

甘東溪

昌黎薦孟郊東坡薦山谷奏雅有同工聆音識其曲巍

然白雪樓此道絕還續

程鉅夫

歌詩以見志法自先聖始關閩濂洛人往往不工此公

好邵子書才猶及朱子

吳草廬

增城千里地宮闕皆瓊華餐以素麟脯駕以斑龍車仙

人美如玉吐氣成丹霞

虞伯生

癯然一寒士氣概空九州青天獨鶴鳴燕雀徒啁啾官

卑何足計長抱蒼生憂

范德機

世有王楊盧駱丞故居後囊中七寶具亦是修月手文

人乃相輕三日作新婦

揭曼碩

詠史復詠懷斑斑淚盈紙東籬晉宋秋

集中

寄慨可知

矣千古雍門琴聽之心欲死

何太虛

老宿盡凋謝清江替人出鄭虔終冷官潘岳早亡室工

詩乃致窮年命又何迫

傳與礪

作者多不傳世寧知剩語生平懷古意鬱勃成樂府千

秋寂寞名淚濕九原土

艾天謂

造語不欲犯運思不欲癡江南文價多一時爲君低

宋用

景濂句託疾竟辭闕哀吟發五噫

劉仲修

孝陵猶不事豈肯從張王興亡無限悲詆蕩於歡場哀

絲與豪竹入耳皆金商

張光弼

前代綺羅盡新音山水清槎翁澹雅人詩肖其生平如

何沈尙書

歸愚

謂學溫飛卿

劉子高

名同盧照鄰死亦同所歸勝朝作法涼文士多禍機葬

骨在魚腹千秋悲楚辭

張來儀

露餘山氣青雪後江流白卓犖辛

好禮

楊伯謙

閒伊人好風

格世俗恒未知知音故難得

王子與

中丞磨不磷玉屑今猶剩真氣如白虹日星與輝映可

憐黃太常

子澄

寥落枯梅詠

翁子寧

書生一枝筆馳驟戎馬閒揮成出塞詞笳鼓悲關山奏
功不蒙賞但唱饒歌還

劉彥昂

僧繇善畫龍愷之善畫人兩者不點睛有體無精神從

知臺閣裏必用臺閣文

楊東里

才情抑何富下筆不肯休有如天馬馳又若懸河流此

在永樂中已冠夔龍傳

曾子啟

要津無直道公以師儒終官閒學轉深造詣乃獨工緣

情而體物猶有風人風

胡若思

路與白雲遠幽行爲之遲濺濺水鳴磻習習風吹衣開

卷遇此境掩卷令人思

敖子發

優孟具衣冠但堪演傳奇人愛公傳奇如愛王李詩公
詩則休矣妙處誰當知

湯玉茗

佳語淡若無使人意自深含毫正縣邈作者曾腐心瑤
瑟泛湘水月明何處尋

陳伯璣（名允衡）

橫槩黎母水鳴笳賀蘭山蠻煙與塞雪和淚吹行間歸
從令弟耕

青黎

壯氣摧衰顏

曾庭聞

周郎尙年少骨聳精爽緊談笑揮風雲羣雄氣欲盡造
物意何爲斯人偏蚤殞

楊子載

公前六十年緒絕江西社堂堂公挺生大旨出忠雅論
詩止於公願告後來者

蔣清容

江西詩徵補遺卷一目錄

南城曾煥賓谷編輯

國朝

曾捷宗

李友棠

張紹渠

張舟

譚尚忠

彭元瑞

謝啟昆

羅有高

朱紉蘭

魯仕驥

楊懋珩

羅從繩

江西詩徵補遺卷一

南城曾燠賓谷編輯

國朝

曾捷宗

字瑤圃贛縣人乾隆六年舉人官鄜州州判有瑤

圃詩鈔

南浦曲

郎自居南浦妾自住西灣盈盈阻江水澹蕩起長瀾一解
欲採浦中花淩波兩槳斜單衫紅杏子白袷輕紗二解
邀郎入花浦不知郎住處人傳郎門前雙雙鳥相樹三解
漠漠春風吹迢迢江水暮問郎來不來風濤那可渡四解

入亦復苦愁出亦復苦愁相思隔南浦明月照樓頭

五解

江行晚泊

川原迷水驛旅泊歎孤篷永夜一杯酒寒江半櫂風燈昏
知雪急衾薄愛爐紅回首鄉關遠青山幾萬重

江行

天濶雁聲遠江寒沙渚明孤帆何處泊日暮晚煙平

李友棠

友棠字西華臨川人紱孫乾隆十年進士官至工
部侍郎曾集唐人詩句爲侯鯖集

辰陽關

叱馭入沅陵高下羅衆皴幽探歷荒林煙霏阻遐觀卓立

山骨開垣墉森傑構湍激石齒齒靈淵滴溜犂确逕愈
微僕痛愁馬仆輿丁引雙繩推挽翼左右雄關勢撐霄巉
絕信天就自可丸泥封那容方軌驟吳淞昔披猖伏莽餘
殘寇釜魚喘尙延檻獸困猶鬥開府九伐崇間道千金購
沿溪出奇兵遂使虜巢覆介然成康莊行旅來輻輳層坡
無曠土原田紛錯繡隔林聞吠厖飲谷見懸狢遺聞故老
傳承平百年後履茲周道直益歎戰功懋稅駕日將逋山
前有孤埃

由文德關過相見坡至華巖洞小憩

紆如衍鼓猶頻敲荒雞山郭鳴嚶嚶俶裝西出臨遠郊煙
嵐冷霧霑征袍綫路漸逼蹊蹊巢幽壑俯見杉篁梢晨星

磊落高旻拋日出下界聞喧呶峰迴逕仄誠鬼庠誰遣五
丁開磔礮石崖中斷風颭颭當關一夫如虎馘仰攻坐廢
千衝輓何須百二誇函嶠退觀又怯岡巒巢三峰離立殊
顛顛遷喬入谷登降交向背起伏揚旂旆車騎歷歷無遁
消僕夫竭蹶汗流散朝餐遙指前山劫道人行脚僧打包
我亦瓶鉢隨身捐齋廚野簞陳尊肴洞門呀豁噓笙匏揮
斥二酉凌三茅華嚴法界非虛設巖牖枯籐罽蠅蛸雪色
蝙蝠深壁抓暗窺但覺寒生髻試秉烈炬驚潛蛟石髓凝
滴形媠姣天花紛綴優曇包大千色相同影泡羊鬚有珠
充僊庖雲漿一吸超凡胞悔不深入中心愜此問結宇饒
芻茭烏犍百尾耕荒磽草堂肯使嶽隴嘲漫謫長句資譔

護小胥爲記郵程鈔

荆門雜詠

憔悴江潭賦九歌
楓林葉下洞庭波
蛾眉自古傷謠詠
獨采秋蘭弔汨羅

蒼茫雲樹隔昭邱
悵望秦川萬里游
遷客依人懷抱惡
不堪回首仲宣樓

張紹渠

紹渠字素村鉛山人
乾隆十年進士授編修擢御史
出爲保定知府

乞梅

世外交情未易求
孤山處士足風流
西湖半畝如相贈不

願人間萬戶侯

尋梅

到處頻留蠟屐痕爲君踏雪誤黃昏歲寒歷盡貧交在覓
遍橋南水上村

張舟

舟字廉船紹渠子自號木頭老子

贈郡博李喬生

吾愛游萼垣九纘登第乞校官亦有凌仲子廷堪不厭苜蓿盤

誰知李夫子淡泊心所安模楷表元禮經傳研井丹篋仕
董相區下帷心目殫才學優天人飽此腐儒餐容膝環堵
隘抵掌天地寬雖處華廡場冰雪心自寒吟詩苦益瘦工

力敵孟韓我始識君而未窺鯨海濶繼讀邗上集珍品羅
邗中更有謫仙作天風聞嘯鸞淮海渺雲樹別易會則難
轉瞬竟十載握手生悲懽懽我鬢成雪江關遊未闌戀戀
故人意激烈摧心肝

常州晤趙甌北觀察卽贈

卅年朋舊幾人存琴鶴風高趙抃門奇句但求傳世久盛
名翻爲去官尊應劉逝早文猶富心餘太史瘦劉中翰管邴交深誼
益敦底事寒酸餘習在一編手澤夜燈昏

秋風蕭瑟動江關衰柳寒花取次攀祇有嘔心同碧血何
須埋骨定青山壯懷漫詡雲龍契老態空嗟木石頑公到
八旬吾未憊依然執手在人間

洪稚存太史招同甌北觀察酒樓小飲卽事言懷兼
以告別

驚傳唐介是男兒出塞甘同革裹屍萬里金雞籠北放十

年黃鶴痛西辭

會同客楚

閒居歲易傷遲暮再造

恩難報

聖慈回首漢陽雲樹在友朋星散渺前期

西湖

藍蔚天光與盪磨兩堤煙柳帶橫波橋邊烏帽從風側樓
外青驄掣電過障眼偏嫌花霧重撐腸不敵酒兵多荒寒
漸覺遊人減讓與堯夫署樂窩

遊靈巖弔畢秋帆中丞

仙館華陽絕探尋海山兜率信俱沉長埋但惜人如玉不
樹寧愁校摸金北海尊壘思舊淚西華衣帔恤孤心懸知
墓草經年宿猶自臨風慟不禁

叢桂秋風起澗阿武昌堤柳幾婆娑老耽聲妓新懽少死
戀湖山故國多幾樹冬青歸自在一場春夢醒如何賣珠
婢老天寒晚破屋長憐補薜蘿

叫巖

塊然腹中刳鬼斧豈能掉長河走其下水激巖自叫其中
亦何有千百煦陽鱗蛟鼉不敢窟清泉客可釣當其勃發
時衆聲聚一竅孟婆揚颺輪水怪雜吟嘯風散寂不聞佛
龕一燈照因知嘈切鳴志小而氣剽秋士多悲辛怨響發

商調一唱三歎中大樂歌在廟至人琴不絃無欲觀其妙
混沌鑿其死徒使愚公笑

譚尙忠

尙忠字會文號古愚南豐人乾隆十六年進士官
至吏部侍郎有紉芳齋詩集

遊馬鞍山

石磴欹斜上翠微
黎川風景到牕扉
雲橫遠岫衣千摺
水落平橋帶一圍
仙客何年乘鶴去
山僧向夕掃松歸
聞鐘幾動烟霞癖
檻外寒枝挂落暉

無題

東風無力耐春殘
倦體輕盈怯小寒
獨坐孤帷難自遣
細

研松露寫秋蘭

彭元瑞

元瑞字輯五號芸楣南昌人乾隆二十二年進士
授編修官至協辦大學士卒謚文勤有集

雜詩四首

藝蘭得馨香藝棘得刺螫人生各自召物性固難易況乃
麻扶蓬白沙與泥黑始焉不能慎棄去那復得友不出閭
巷但取延三益持此向天涯前途渺無極行求嘉樹陰不
就惡木息

鳴蟬翳高樹吸露含餘清蛄蟋抱糞丸對面日營營所性
各有定大矣造物生二蟲又何知俛仰時序更達人冥其

心靜觀周物情彼此不相喻因之得無爭

丁貞女詩

婉婉幽谷蘭
靡靡澤中蕙
同生不同植
感以芬芳氣
秋風先時來
嘉卉倏顛顛
蘭生獨亭亭
雪霜何所避

螺贏負螟蛉
辛勤營墜戶
巢鳩乳雀殼
飛鳴繞高樹
慈烏尾畢逋
孤雛失中路
杜鵑口流血
夜夜不得住

未仕死國難
草澤奇孤忠
未婚守枯節
其心與此同
後儒執禮斷
尺寸衡顛蒙
自盡吾心耳
何必皆中庸

竹垞作原貞
西河禁守志
二說各不同
緣情可起義
夫死弔以斬
聖人垂禮制
苟同道路人
安得死生淚

以夫未成婦
以子未成母
獨抱一寸心
凜此冰霜守
夷齊

亦匹夫范張爲死友我作貞女詩以告千載後

舟阻豬婆灘

舟徒六朝鎮廿里方到縣其下豬婆灘與江隔一岸是時
冬令深水淺纔沒胛凍泥龜兆坼溼土牛涔沚沙田間
渠泠泠石際泚胎鰕淵可察涸鰕轍欲斷牖高壘不通江
落引難灌計袤丈幾千測廣尋僅半千艘填其間邪許聲
相亂百家邑俄成一閤市未散半篙刺不下百丈牽互縮
祇虞柁挂艫安得杙維纜連雞飛膈膊退鷁影胡旋魚同
失水憂燕有觸藩患喧闐車轂擊吟踔馬索臂小艇懼排
壓大舸益留難陸地盪無力泥行橈斯善去之謝未能來
者積無算長年抵足眠大佑搔首悶路長行不得塗窮計

思變瀕水百貨積沿隄萬夫汗相將負且乘相逐奔而殿
堯子酬盈千束擔僦論貫吁嗟倦遊人船脣坐愁看

冰鶴圖爲周黼如大令題

皚皚堅冰凝嚮嚮鶴羽舒戔戔螺峯高下有賢母廬賢母
吾家秀曰嬪周氏閭入室相夫子上堂奉老姑朝汲夜中
績黽勉供有無盡道新婦賢嫁來十載餘云何天降割夫
子壯歲徂奄忽就泉路況與母氏俱是時盛疾痠十室九
爲墟阿母遺婢問入戶仆不蘇坐起一小樓嫿嫿寡與孤
生與死爲隣泪血泉已枯拮据舉兩喪手口哀卒瘞首無
美釵飾身無兼衣襦牀無莞簟安甌無升斗儲鼠齧蟲所
食惟有架上書課兒勤誦讀一粥過日哺屋後數畝園瓦

磔塞滿塗斬刈分菜畦十指親糞除朝來抱甕灌日暮行
荷鋤妾心甘如齎妾命苦如荼豆莢淚垂垂瓜瓠血濡濡
剪韭勿傷根拔葵勿裂膚種芋以爲飯種菰以爲蔬餘將
出門賣以爲燈火需母謂兒知否女父齋志終女今不讀
書爲商或爲農何以見女父九泉難相逢室中熒熒燈是
母手所營身上單布衣是母手所縫口中脫粟飯是母手
所舂縱兒恐兒廢扶兒恐兒傷啼兒起中夜坐兒紡車旁
母織兒讀書軋軋聲琅琅月黑漏三下有盜行徐徐伏垣
伺人倦穿穴窺室隅聞聲母驚起手刃當窗呼我家何所
有孃孃寡與孤首無美釵飾身無兼衣襦牀無莞簟安臥
無升斗儲鼠齧蟲所蝕惟有架上書不堪女攜去疾行無

躊躇盜聞失聲走不敢窺戶樞東隣有老媪媪子遠行賈
子婦臨當產擁被在床臥夜有聲相驚家不戒於火四隣
聲譁沸譁震屋瓦媪急挈婦走望門求寄舍倉皇哭且
訴里中無留者母起白伯氏開門聽之留共有鄉里情況
以急相投舍之爲不義但住無所愁割我半領席分我半
間廬媪行牽婦息忽聞聲呱呱婦喜媪下拜感母憐我家
不爾婦與孫棄死中路衢逢賊一何勇救隣一何仁皇天
不相負安得長苦辛兒長善讀書卓犖富篇章二十中副
車三十舉於鄉五年成進士筮仕淇之陽腰懸大尹印綰
以墨青綬張蓋乘肩輿吏卒呵殿走奉母到官所跪迎大
道口母顧謂我兒女身受

國恩教女一卷書儋女七品官勿忘舊日苦園蔬易朝餐
勿作貪墨吏瘠民以自肥勿作鞭朴吏殘民以自威兒跪
再拜謝朝夕行無違淇當通路間直北上

神京西走陝甘川南走滇黔荆車馬日供頓早夜勞逢迎
將軍檄買馬買馬歸化城取道縣西郭縣民間皆驚是時
九月中田禾尙棲畝千百馬爲羣取禾作芻藁村民手白
挺大踠驅馬走東村連西落壯兒健將婦腰鎌截馬尾吏
不敢開口鄰有一少年翩翩事遊冶日暮騎歸來言過野
田下吏窺少年富可以任馬價指名訴大吏官符火急下
兒跪請阿母斯人實無罪便欲相救取大吏須置對兒欲
棄此官竊恐爲母悔母聞艷然怒兒言太欺謾救女百姓

命奪女七品官孰得孰爲失教女胡爲然大吏況賢明但
去勿留難白日光昭昭終照覆盆冤兒行白大吏況獲雪
少年村民共驚歎涕下如沍瀾府吏下縣來虎威許狐假
捉人繫馬頸鞭箠交亂下填門眾人看馳驅生叱咤縣令
得聞之槌鼓升堂皇鼠子何敢爾三尺存王章鎖項頓其
首驅之使來前大杖予二十可憐無完臂繫之行報府具
以白府君府君初聞之盛怒面發瀕有此彊項令不使我
相聞鞠躬前致詞下吏白府君朝廷縣家堂此非令私門
令知三尺法不復知何人府君聞此言回嗔便作喜令知
守三尺我言毋乃鄙却後相扶持共作民父母作令六七
載煦煦事拊循白事無受管催租無叩門嬉遊及老幼安

穩到雞豚積勞因致疾謝事歸故園解我大尹印脫我纁
青綬肩輿奉阿母兒親扶之走百姓皆驚搶走送惟恐後
裂布作繡旗漉酒盛瓦盆鼎鼎堆果核霍霍向雞豚齊會
大道口膜拜泣且言匪由父母賢實感大母恩何緣舍我
去祝壽羅酒樽阿母見大喜對眾停肩輿重勞女百姓送
我登長塗住此六七年有益百姓無來時此行李去時猶
故吾首無美飾釵身無兼衣襦牀無莞簟安甌無升斗儲
持此謝百姓或不爲罪歟兒行念母教終身守斯須乃召
良畫師寫此冰鶴圖圖中何所有冠帶美翩翩顏愉貌儼
恪奉母臨前軒前軒有深池池冰結淪漣白鶴時飛來刷
羽皓且鮮冰以喻母節鶴以祝母年題詩多瓊瑤累紙復

連編我括列女傳附以循吏篇

指痛

中年氣血衰百病一身托偏頭風正熾拇指痛復作摘掣
時不寧信詘勢難數漸牽一臂酸遙制四體縛肘間舊頑
癬痛癢兩無着將母血瘀轆或恐筋攣縮疾痛真害事無
眠聽宵柝天地一指耳構此幻軀殼我爲指自訟兼以誌
予忤世人矜高名巨擘聲卓犖汝于五指間處短恒退却
世人重厚利子母歸掌握汝于多金來清晝不敢攫不能
挽五石佩韞引弓繳不能飲一斗舉酒近杯杓禪不拈花
笑勇不徒手搏但解挾七箸粗糲饜淡泊時或執不律文
詞雜腐弱以茲汝告勞休汝則勿藥讓人心曰甘豈獨指

弗若何須露一爪並欲填六鑿

糧艘

少讀曝書亭集有糧艘詩謂舟大費浩而運遲重
困丁力宜撤而小之心難其說嘗舉似清江楊勤
恪公大以爲不然指畫事體達於政宜於民方知
書生之見隘矣公總漕十有五年河湖南北數千
里間七省舟楫之民至今言之泣下牖行日遇糧
艘觸憶遺語彙括成詩

令甲凡漕舟舟載七百石所受未及半枵然尙餘力或言
元海運道易舟未易官有歲修費水有地形格夫有千指
勞軍有終歲役何如陞其規取足容正額章句紙上談老

成甬中畫由來國家事體大物不迫始謀僅巖給末路更
蹙偏轉漕連七省營造如一式或亂江漢流或浮彭蠡澤
敢以天庾供輕涉波臣國歲葺政之經官帑豈靳惜彼苟
有所利不辭稍附益材大用可久質薄朽必亟胡爲憚補
苴而乃勇變革平江達通路數千里南北置牖時蓄縮設
夫日肥剔都爲運道謀行旅蒙其德苟爲易浮送漸恐成
淤塞牽挽集百夫其面有菜色憐民不耕稼貧人雜盜賊
千舟十萬眾仰此以衣食一朝忽奪之誰歟非黔赤荆襄
伐竹木三吳出布帛西江擅陶埏兩浙工蠶織微或販酒
鹽下至羅履屐日用飲食間爲物頗繁賾商固便附載軍
亦資餽直懋遷有無通彼此均樂得屯田業久虛僉運費

孔劇一物不能容終歲何所獲市冷物價昂運糴商利藎
豈惟軍告病四民被其厄變法匪易易利害必什伯太官
媿姸姸脅儒流尅覈指掌言疊疊傾耳心脉脉事徃一日
夢人遙九京隔安得如斯人盡布中外職

放雉

安禪鵲巢頂苦戰鳩出井此心一動時物有幸不幸莊書
樊澤殊孔悅山梁警不忍絰刀機相將脫囚罪齋閒園圃
荒地僻榛灌迴脩脩困未蘇泄泄決一騁豈有情去留各
視力衰猛鑄印龜何知銜珠蛇豈省去去將好雛林間娛
暮景

雪

上元節後三日雪千山萬山人影絕抱春出門門已封直
突無煙甑空設去年歲事失豐穰一顆一粒無蓋藏富家
困窘多紅朽相持過糴祈天荒飢兒張口向爺哭人家炊
米勝糜肉爺泣語兒兒莫啼縣官劣發常平粟

箕圃與余易居用田山薑移居圖韻作詩並其兩郎
屬和錄以見示疊韻奉畬

入受一廬出一車閒官到處堪爲家羈愁不耐閉籠鳥野
性終在茅林廢頻年擾擾營屋舍如燕啄泥蜂排衙一枝
可托兩家易借車載具塵衙斜掃壁君留舊題字繞砌我
有先栽花高枝低樹莫分別與君本是同巢鴉門巷相隔
保安寺晨鍾聞撞暮鼓過不知今昔孰賓主萬物逆旅從

羲媼

萬金滿簾穀滿車不如讀書子克家旁觀見獵亦心喜快
似射雉兼呼麇兩郎聞詩蘭陔側乃翁退食栢府衙舊居
我聖三丈壁定見灑墨紛欹斜囑君培植俟其實灼灼莫
作春園花我詩吟成遣子讀紙筆但足供塗鴉淵明雍端
昌黎昶徑欲掩戶還自撾有子賢愚掛懷抱引絙無奈搏
土媼

橋亭卜卦硯歌

弋陽謝文節公當宋德祐末兵敗信州走建陽以
此硯賣卜於朝天橋明永樂間橋崩得硯上有程
鉅夫銘詞今在查恂叔

禮

太守處

其修九寸博半尺其厚不及寸斑斑土花蝕云是橋亭賣
卜時曾漬孤臣淚和墨一聲白雁江南飛三日江潮俱辟
易更無趙家半塊土唯有先生一片石崖山破碎已十年
臣心不轉如石堅從容就義豈易事疊山後死文山先百
年橋崩硯始出更四百年傳勿失太平太守求得之對客
摩挲感當日留將玉帶生並垂石不能言觀者悲當年病
餓憫忠寺壁間太息曹娥碑

法源寺看海棠用東坡定惠院海棠韻同劉紉秋

芬

王抑莊

恕會

姚雪門

頤

仲兄九弟

我家澹岡翳喬木山中長櫬斲黃獨豆苗青青油菜黃縱
使無花差不俗謁來作客鳥辭林漫說當官鶯出谷聞時

咫尺不得看打頭口坐三間屋兀然返覺遜枯禪祇礙周
妻與何肉今朝乘暇到花前三匝逡巡興難足花雖謝去
枝未空春欲歸時氣猶淑深紅淺絳太狼籍日翻蝶翅果
蠶腹蒂懸疑落秋後英葉抽似解春頭竹鴻泥忽憶三載
前詩客來遊爭指目子雲長病羅含去磨鏡人空向西蜀
前年揚默堂前輩徐曉窓同年羅臺山孝廉同遊以但有
詩屬和今臺山已歸瑞金曉窓作令雙流昨歲下世但有
殘詩留壁端好語一一皆中鵠眼前美景易生感茲遊便
作雍門曲由來佛說須忘情色香臭味都不觸

臭味差池區草木有香應讓昌州獨雖然顏色艷爭春未
免繁華姿近俗花中亦有冒名者秋來草本叢生谷長安
富兒頗解嗜幾樹頰紅栽繞屋高燒銀燭照深夜醉舞華

茵厭梁肉我輩甘從寂寞遊古寺借觀心已足弟兄合并
有夙因朋舊追隨况多淑劉郎短小萬夫氣王郎紛綸五
經腹姚君後進筆生花阿兄拙宦符解竹有來同車花同
看合以性情非耳目異鄉但得長如此此間樂更不思蜀
有弟吟詩作臥遊譬彼奕者心鴻鵠東坡當年定惠院子
由未奏同工曲詩成三疊鼓五通倦僕屏風頭屢觸

瀆流

天津之南瀆流口海潮子午來汨汨人言此下爲逆河九
河到此合爲一爾雅釋詁瀆者獨流俗相傳或猶寶逆河
義取海相迎灌納自然寧有術水於天地乃血脉此吸彼
呼非異物譬如有人飲千斛自口達腹無少窒其中假道

在咽喉飲所從入氣從出未聞氣出或礙飲但見飲多氣
不鬱卽看龕赭潮逆上萬頃漸江去洄瀾明德旣遠四千
年水之爲患非今日潮不刷泥泥緩淤海不受河河橫溢
口腹之間有物存氣壅滯積生百疾九河故道介滄景地
志諸家多載筆蔡氏書傳始傳疑碣石已淪難致詰未審
此土是耶非但評茲理得與失

丁未九月朔退直校周禮雨滴空階竭爾有感寫此
數語夜漏下三鼓矣

老慣諸生技秋深一檠孤穿簾蛩語細隔紙雨聲麤閣止
空歸向城南不見符辛勤還掩卷付者有人無

微雨

微雨止還作秋陰闇又明蠅鑽窻紙礙蛩試砌楞鳴讀愛
南榮坐慵難外戶行餐錢今日到館吏叩柴荆

王伯升來商五代史記補志

禮失求諸野況丁衰亂年君臣令傳箭帝后墓焚錢頭子
除官橫毛錐治賦專天成暨廣順一二或差賢

苦瘧

忽覺層冰踏俄驚握炭焦欲眠難闔眼作痛苦伸腰寒暑
一時轉衰瘧百病招幸猶創處定塊若兩無聊

瘧止

疴作惟堪伏秋天不肯明杜句陰陽疑必戰水火激相爭止
藥經兩日安眠到四更始知朋黨既欲去在持平

到家

扁舟欲上更留連行李衝寒壓半肩正是早梅繁故國獨
憐孤客倚江船山橫斷岸開晨霽水激遙灘聽夜眠回首
高堂方歲晏江風江雨送殘年

除夕登金山

鐵甕城高水氣浮誰將卷石障中流波搖塔影齊奔海風
湧潮聲直上樓到眼峯巒橫北固隔江烟火認瓜洲老僧
閒向空欄倚一葉看人浪打舟

仰首靈鼇踏急湍鈎連八柱水中安一年殘日行將盡萬
里長江到此盤祇有樓臺更無土未曾風雪不禁寒焦先
舊隱依微在我欲凌波更往看

徐州試馬射

銜枚蹴踏殷隆隆千步場臨百步洪月滿勁弓塵障墨雲
浮長埒沫流紅此邦山水多奇氣天下英雄入彀中慙愧
腐儒踈決拾輕裘緩帶坐春風

甲午重九與諸子同遊君山越兩月受代將行門人
王闔風來送以君山高會圖索題率成長律

天際春申賸有山畫成佳境好躋攀我來三載不到眼是
日重陽一豁顏北郭煙光橫野岸西風秋意滿江關黃泥
庵側坡陀路直上銀盤翠髻間

寒食過楊柳青

春光已作寒食節客路始逢楊柳青地腳漸南衣覺重潮

頭近海氣多腥傷心時物烏銜紙望遠程塗鳥刷翎不見
野棠花似雪何年窸窣妥先靈

送翔履歸鄉試

新雨炎風送汝行霜濃先爲計來程到家老輩如相問黑
髮曾無四五莖

宦遊都說憶田園笑我何嘗三逕存道是歸家還僦屋先
從冷淡處開門

哭翥升

難將福慧較前因焚與詩書亦等身若使世緣終不斷再
來應作鈍根人

謝啟昆

啟昆字蘊山號蘇潭南康人乾隆二十五年進士
官至廣西巡撫有樹經堂詩集

台州勘災紀事

嘉慶二載秋七月耿耿銀河出復沒牛女之次台階旁有
風鼓自土囊穴初從大塊發噫氣旋翻圓嶠鬱蓬勃舸艦
如山浸黑洋魚龍奮鬣驕白日飛廉布陳鳴喧阗天瓢覆
雨灑倉猝排山萬馬驅潮來嘉禾盡偃木斯拔保抱攜持
遺老稚鬼哭啾啾及枯骨豈惟茅茨捲三重但見屋瓦飄
百室半盆失利空白波竈戶無炊剩黔突曰臨曰黃太與
寧沿海居民遭蕩析怒聲幸逢孤嶼止猛勢不向溫溪折
是日大汎而溫州潮不太守飛牒告大吏敷奏于
到因上游泛溢勢阻也

帝詔皆實我職旬宣亟命駕星言不辭道路躋周巡回浦
歷章安甌國村墟一覽畢其人樸儉安耕漁其俗峭厲尚
剛烈爰頒帑藏載後車分遣掾屬勤撫恤萬間未暇庇廡
厦一椽可補當慈筏載以舟楫資糗餌要使軀命得生活
烏葬火瘞非常經掩骼埋胔用仁術耕不餘三民乃咨徵
緩其一政有秩去秋此地亦風災秔稻尚未被漂泊今歲
西成已失望未可拘牽泥一律方今

聖人大澤施勿使方隅一夫失租賦屢荷蠲萬億粟帛况
又頒毫耄太倉有積因陳陳升斗何曾計屑屑海墻地瘠
鮮蓋藏民生苦窳謀竭蹶上則下則有等差民田蕩田豈
區別我慚膏雨歌黍苗忍令斥鹵納穗祇祇宣

上德布仁風匪博羣黎誦生佛澤中鴻雁集無哀海上萑
苻穢可必

水碓

累石截飛濤機心學桔槔米舂雲子白水激月輪高鴉軋
聲相亂循環柄自操回思荆布室相杵太劬勞

過姚江懷王文成兼題遺像

指揮文吏靖風煙蓋世經綸達變權南斗一星扶北極西
江隻手障東川陽明洞室談經啟廬嶽碑文紀績鐫撼樹
蚺成底事勾餘俎豆且綿綿

都堂忠信感聖璫蜚語無端構豹房講學生徒懷偉略銜
杖號令定巖疆龍場謫處居何陋

先生謫龍場驛
築何陋居

鯨海功

成讓未遑宴坐力華無一事雲中冠佩尚飛揚

先生生日有雲中之

異

桐廬舟次口占是日爲余六十開一生辰兼東沈磐

谷

舒灘過盡又洋灘我似鮎魚上竹竿舟小路紆行自得飽
看嵐色當朝餐

晚年哀緒不堪論怕觸絲桐憶彩雲

時妾鄭氏已亡

貽我延齡丹

五色定須訪道問桐君

一周花甲從頭數此後光陰立腳難晚節吟詩同沈約西

風人瘦菊叢寒

永嘉

到處題名翠壁間家風賢守六朝山年來無復西堂夢池

草經霜兩鬢斑

舍弟砥山去世已三年矣

羅有高

有高字臺山自號尊聞居士瑞金人乾隆三十年
舉人少習技勇治兵家言弱冠後宗釋教服膺罄
山語錄而以淨土爲歸宿於儒則宗明道象山羣
經主孔賈正義小學主說文皆能參稽義訓多所
發明有尊聞居士集

題彭允初所藏東林五君子手帖

我友彭季子學志兩東林天花六時供忠孝觀厥深偶見
五君書感甚梁父陰曰揚曰繆魏兩周皆國琛明運屬昏

黃狐鼠弄蠶露九州釧網彌妖氛毒以淫唯時儒林賢舍
命爭天心獨見五君書我已頭岑岑

肅觀景文書雷霆鬱掀擊旱魃屯天膏電繞驚蛇綰蕭涼

念佛人渺志青蓮

忠介官京師日課佛名一千見盛餘錄

暗鳴發怪陀義

不轉公子仁且武血疏麗朝覲惜哉不得觀海嶠青霞細
應山椒山儔移宮氣挺挺二十四皐疏姦膽落其鯁同心
魏與左揚激忠憤炳誰託左公書割去聽無瑩江陰暨吳
江誦說懷孤耿心盡飄殘雲字外餘清勁商飈撼屋梁展
對塵慮屏頑懦無我如作詩永深省

送朱羽儀之南康

惜別章江頭秋風吹別緒寒雲千里停對子不能語策馬
賴溪陽見面何縷縷及此攜手歡剪燭話太古惻惻小雪
天迢迢南康路脈脈意未已黯黯芳洲樹

予于遠游子白髮澗昏晨平生知己交卒卒懷苦辛若辛
亦何爲親慈甘賤貧極懷黎水魯謂魯孤子受風塵念我
艱難友愧此薄植身君行胡可輟君意倍輪囷我亦閩中
去悠悠倚閭人

贈潘守愚思質昆弟

中散負青霞思王歎飛蓬平子利蜚遞班掾賦幽通古之
賢達者一笑大鴻濛所志多不踐萬古悲迴風
讀書苦未多據德苦未堅涼涼取道遠骨月愁南天馳驅

愧獲落棲食安清便昔訓日周復寧令本志遷

答彭秋士

嘉辰遂已遠良友念分攜良友有好句著紙能鳴飛阻隔
載春秋空谷投我詩靜遠貯幽馨生瘦出精思古響彈朱
絃心撰無往儀奉持清越篇結想璫林姿其胸所藏者奧
邃詎可窺

我歸困塵網慙對紺色珠感歎風雨心寥濶轉相於昔往
未嘗有今別誰謂無寄臥卽窮山秋思周平湖形迹勢莫
并蘭契兩際俱此理日來往靜者宅其都敬身專厥司不
晤情亦舒

辛卯仲冬同李四桑塍自廣州過嶺至贛縣分別爲

詩送之歸山東兼寄令兄秋水

南遊訪君兄揖君頤而長握手勸飛杯論議多慨慷君能
誦古文懸溜聲琅琅君能工歌詩金奏鏗以鏘感君盛意
氣鄭重豁肝腸浮雲中濶阻心跡兩微茫久之益君賢深
波愧淺嘗君貌誠恍武君心故慈諒惻惻樂施濟循循企
周行天性若神泉感涕流大荒對君念頑薄黽勉思扶將
願君永終譽作詩期勿忘

同舟逾千里莊謔紛雜會琴心閒晤言笑視形骸外歡好
方日新不謂當分背歲晚關塞長敝裘風雪大青鸞語傳
停小鳳聲瑣碎夢醒感別離往往發長喟到門後月中團
圓娛卒歲仲子酒懷寬甕雲忽滂沛悲憶海南人忤忤不

成醉

燕中面仲子雄濶丈夫傑矯矯虹飲河馴鷺鷹在紲風雲
有邁會萬里看一瞥叔子垂遺文篝燈邀點閱君哭聲忽
高雨泣珠貫纈又讀徐公文至論竦罷劣我如陰厓冰炙
君得新熱君如陽燧火寒食性難滅精神長入眼眉宇三
秋別有詩細磨礪矜惜自珍悅季子時諷誦令我叫奇絕
日飲想無多孤斟對明月愛弟萬里歸髧盆早經設能復
憶我否寄我郢中雪

朱紉蘭

紉蘭字秋漪南昌人乾隆三十四年進士授庶吉
士改知縣官至永順府同知有愚情山人詩鈔

題茅鹿門誠子書後

有明世中葉吏治日以墮過客持短長上官尙恩威廉或
目之跽貪或注伯夷但知論資格不復計瘡痍卓哉章邱
令嚴父以爲師馳書四五返治譜傳家規首言清獄訟聽
斷在斯須繼言慎命盜按驗毋淹遲事上盡吾分卹下畏
人知遊山費廚傳招友戒娛娛如金堤築印如敵壘危
地如頸附癰心如矢發機累紙踰萬言一一可設施如何
世俗吏墨綬空纍纍一命兩家破十役九室肥晨趨奉手
版夜飲張圍碁當年考課者知此其爲誰不必誇字畫不
必侈文詞但鐫三尺案戒石尙昭垂

亳州王氏三世節孝詩

門衰祚薄有如此三世孤嫠撫孤子空房相對烏夜啼一
燈突然出窗紙老者頭白雪已鋪少者淚血泉已枯洗兒
抱孫昨日事後來新婦如祖姑鄰家翁嫗齊眉老一生不
種斷腸草鴛鴦三十六成行佳婦佳兒盡妍好天生奇節
遇必屯嗇之以遇其志伸五色泥書光爛熳千秋彤管香
氤氲請看兄弟一時同列戟不如婦姑三世總旌門

晉州感興

秋老旅魂驚西風捲旆旌驅車經趙地躡蹻憶虞卿慘澹
雲山影淒涼砧杵聲飄蓬猶未已誰慰倚閭情

隔歲久行役登臨欲語誰秋聲鼓子國日落魏公祠霜意
推冬令笛聲生暮悲遙憐蘆蓼岸正是雁來時

魯仕驥

仕驥原名九臯號絮非新城人乾隆三十六年進
士官夏縣知縣其學深於古文近由劉海峰湖靈
臯方氏以上至曾王作令時以其地爲司馬教正
之鄉銳志樹立以不負所學大吏將薦之朝未
幾病卒有山木居士集

秋夜客懷

人生遠離苦最苦秋夜闌况我孱弱息終年背鄉關悠悠
日復日會當何時還時至氣候變得母衣裳單衣單固足
念所期日加餐皓月照庭隅徙倚生感歎

寒蟬號高樹蟋蟀吟羅幃此時涼風起蕭蕭入深閨君子

遠行役悠悠我心思容華不足念但感久別離舟行願無
波車行願無泥驅車望鄉邑歲晏當來歸

庭前紫荆樹豔麗正着花如何風雨至摧殘忽交加枝葉
半顛顛葆養此根芽人生骨肉情覩此足嘆嗟亡者旣已
矣在者客天涯及時莫遠遊丈夫當懷家

由幽棲寺溪行登棲靈峯

杖策指高峯巔峴逼層嶺傍嶺途可紆選勝屐復整逶迤
沿溪流徘徊俯密靚漸入見古寺煙光接青冥遂穿林木
叢仰測巖巒頂鳥徑辨微茫雲竇託溟泮緬然得殊觀遐
哉闢異境耳目旣昭朗心期轉清迴眷言宅斯宇得往良
爲幸

楊懋珩

懋珩字桐石號芝山清江人乾隆三十七年進士
官桃源知縣

贈張海客

雲臥天游我尙堪清溪倒影漾層嵐山居日久都忘誌老
學人傳尙有庵海上幾年成漫士世間何物是奇男西風
陡覺蕭颺甚一夜秋香到枕函

樹猶如此我何堪生意婆娑掩夕嵐日莫刺牽蘿補屋天
寒誰念雪封庵質脊似我原齊贅閉戶從人笑魯男差可
陪言消永晝遲君青鏡啓塵函

羅從繩

從繩字愈振南坡人布衣有癯樵詩鈔

溪晚與釣者

終歲愛清溪溪水去活活讀書趁朝光不覺日已沒日沒
復日出元鬢雜白髮舍冊溪上行好風同飄忽偶遇荷笠
翁閒釣一溪月

過逸龍菴採椿葉

夕照斂春山衆鳥啼春暮散襟步清溪幽思將誰訴溪曲
出鐘聲行到鳴鐘處鐘靜佛無言清香在高樹攀條采其
榮氤氲滿歸路此日良已足春風任來去

溪遊

孟冬刈稻了原塋尙幽清偶然成獨往遂愜山水情行行

不覺遠隱隱聞溪聲石髮拖秀倩潭影涵空明爰憩石磴
上於以濯塵纓逝水去不返歲暮將何成

書半山草廬壁

老識篇章意貧周物我情分甘輸一勺坐雨怯三更賒藥
聽兒請談詩諒友誠自嗟衰朽質遺恨失躬耕

夜雨懷完夫

寒氣窮冬厲風聲靜夜聞殘燈憎破壁圓月戀層雲不寢
全非病幽憂半在君閒階傳遞響爲我惜離羣

江西詩徵補遺卷一終